

垣發脾胃之論使人常以調理脾胃爲主若面色㿠白目無精光口氣冷少食肌瘦此胃氣虛寒也用小異攻散六君子湯若便溏者兼脾虛也加炮薑藿香溫之中滿者脾不運也加木香開之若喜冷便秘面赤煩渴此胃氣實熱也用瀉黃散清之若命門火衰不能生土者用八味丸補之若稟賦胃氣不足用補中益氣湯八味丸益之若乳母乳汁清稀致兒肌瘦骨立大便溏瀉當易乳母得乳汁濃厚者爲佳宜用小異攻加升麻麥芽主之否則胃氣有傷藥雖對症亦不能運化藥力以成功是以東垣以脾胃爲主也

凡治小兒之病當先審其胃氣至於脾胃泄瀉劉河
間則爲瀉屬濕惟用苦溫苦寒之藥苦寒瀉濕熱苦
溫除濕寒泄止後脾胃虛弱方用參术等甘溫之藥
補之若初泄而便用參术等藥則甘溫能生濕熱而
反助病邪世人不識往往多用此以爲補悞人多矣
一見十三歲嗜食食後飽脹難化此胃火旺脾陰虛
也用人參白朮枳實芍藥石膏甘草黃連香附木
香而愈

一見泄瀉咸用六君子加澤瀉肉果不効余謂甘溫
能生濕熱故不愈用甘草芍藥黃連茯苓陳皮柴

胡甘寒之藥而瀉止但口渴面白色青白此脾胃不足用小異攻散加升麻柴胡而愈

不寐多因

小兒不寐皆由胃氣不和血氣不從故不寐之症生矣治用六君子加遠志酸棗仁又歸脾湯肝腎虛熱者用六味丸心血不足振慄不得眠者真珠母丸精神短乏者人參安神丸膽虛者人參竹葉湯肝火不寧者加味小柴胡湯病後餘熱者當辨虛實治之有因他症不寐各當詳之又多睡者皆由脾氣虛弱健運之令不行而嗜卧也治當溫補其脾脾氣旺則

臟腑清陽之氣升舉易於運行何困倦之有治用四君子加木香半夏白朮倍之若脾倦多驚者乃心血虛而火動也治宜安神養血爲主若心脾氣虛有痰者用人參麥冬五味茯苓以補心氣當歸芍藥酸棗仁以養心血橘紅半夏以開痰若肺脾氣虛有痰者用補中益氣湯又膽星天竺丸若飲食停滯而然者四君子湯加山楂麥芽神曲若脾虛好睡用歸芍六君子湯若乳母飲酒致見昏睡者用乾葛陳皮解之不應用四君子加葛根子母並服

人參竹葉湯

人參

竹葉

甘草

半夏

小麥

麥冬

粳米

生薑

水煎服

加味小柴胡湯

卽小柴胡湯加山梔丹皮

膽星天竺丸

膽星

一兩半夏

白附

各五錢

天竺黃

三錢

天麻

防風各二錢

辰砂

一錢

右爲未甘草膏丸茲實大每一丸薄荷湯化下
人參安神丸

人參一錢當歸三錢麥冬三錢黃連二錢

生地三錢硃砂二錢茯神二錢棗仁二錢

右爲末猪心血丸如芡實大硃砂爲衣燈心湯化

下

腫脹

小兒腫脹未有不由飲食內傷脾胃虧損而致者其症有二曰氣腫曰水腫氣腫者由脾胃虛弱脾主肌肉肺主皮膚土弱不能生金致虛氣上攻於肺行於面目遍身浮腫也治法調脾行氣爲主五子五皮飲水腫者因上焦煩渴引飲而脾虛不能約制其水水

反侮土土隨水行上衝於肺流走於脾膚而光腫也
治法實脾利水爲主胃苓湯至於喘脹兩條須分先
後節齊曰先喘而後脹主於肺先脹而後喘主於脾
蓋小便之行由肺氣降下而輸化也若肺受邪而喘
則失降下之令故小便短澁以致水溢皮膚而腫滿
矣此喘爲本而脹爲標也治宜清金降氣而行水兼
之脾土惡濕土能尅水若脾土受傷不能制水水既
上溢則邪反侵肺氣不能降而生喘矣此脹爲本而
喘爲標也治宜實脾行水而清金兼之苟肺病而用
燥脾之藥則金得燥而喘愈加脾病而用清金之藥

則脾得寒而脹益甚近世治喘脹但知實脾行水而不知分別脾肺二經悞矣又有脾胃虛弱濕熱積而爲腫者用瀉黃散胃苓湯又有瀉後痢後瘧後痘後諸病後脾虛發腫者宜調補脾胃爲主六君子湯補中益氣湯又有脾胃虛寒不能司攝而水泛行如蠱脹者用加減腎氣丸補命門火以生脾土間服六君子湯又有遍身膿瘡發腫治宜先去濕熱次用敗毒散以解表邪○或問曰小兒水腫俗云河蟹用草藥煎洗又用雞子清口含吸脣并手足指頭前後心而愈者何也曰此內症已平但表受水溢浴洗則肌暢

肌暢則微汗邪可散而愈也若內症不平浴洗雖愈未幾必復腫矣

一兒遍身光腫余審其能食便調身熱脈浮謂曰內症平和此水氣在表宜解散之用敗毒散去人參加紫蘇陳皮令汗出自漸消而愈總之斯症當辨經絡虛實標本先後而治不可拘泥

一兒瘧後遍身浮腫咸謂脾虛用六君子湯加黃連芍藥木通腹皮鱉甲澤瀉木香煨薑不効發熱煩渴或謂土燥而又進以燥劑而目浮腫愈甚宜苦寒之劑潤之用芍藥花粉知母黃連柴胡生地茯

苓木通漸愈

草藥方 沐洗水腫

河簰草 車前子 野紅花根 芭蕉葉

枇杷葉 枸橘葉 各一把 煎湯浴洗

稠柳餅 治水腫

稠柳子 梗葉似梅七八月採子曬乾

右爲末每用之兩大米粉和作餅蒸熟食之溺和
腫消愈

腹痛

小兒腹痛有飲食停滯而脹痛有積滯作痛有蟲痛

有火痛有寒痛有虛痛有腸胃中生瘡毒而痛有盤
腸內弔痛不可不辨○飲食停滯而痛者皆由飲食
不節或過餐堅硬之物脾弱不易尅化而腹脹痛也
其候按之堅痛身熱惡食治宜消化之劑香砂丸消
導二陳湯甚則以遇仙丹烏犀丸下之○積痛者皆
由飲食自倍脾虛不運停滯中脘久而成積腹痛欲
便便下酸臭便後痛減或閉澁其症面白色痿黃身熱
不思乳食足冷嗜卧治宜遇仙丹下之下後以小異
攻散和之若成癰痞治見癰條○蟲痛者有蛲虫長
尺許或五六寸居胃脘之間動則吐清涎撲身啼哭

面黃唇白時痛時止治宜安丸飲烏梅丸又寸白丸
居腸胃之間動則傷人精氣又有一丸形若細絲或
飲食中誤吞油髮所變亦居胃中動則腹中刺痛不
可忍皆由恣食肥甘煎燂濕熱鬱遏所致並用史君
子丸又有血鱉動則刺心而痛面黃肌瘦能食皆由
過食堅硬之物不化爲血聚成形漸大而活久則殺
人治宜追重取積散下之○火痛者口中氣溫面赤
壯熱飲冷治用烏黃散利之○寒痛者口中氣冷不思
飲食嘔逆泄瀉此寒水侮土也治用六君子加炮薑
肉桂甚則加附子○虛痛者消導後其腹尚痛按之

不癇是也。治用小異。攻散補之。若痛連兩脇。乃肝木乘脾也。用四君子加柴胡芍藥主之。○腸胃中生瘡毒而痛者。皆由脾虛積熱。氣血凝滯所致。方論見外科條。○盤腸內弔痛論見前本條。

一女子十五歲。胃脘痛甚。則號哭。嘔吐清涎。或半月或月餘而發。患此數年。醫藥不効。余用張義古文錢30三分。同好核桃肉半個。油核桃肉半個。同研爛。好酒調下。其痛反甚。痛漸行下。至小腹便行。二次即愈。此芝田先生傳也。若氣鬱食滯而發者。用傳心錄內治心氣痛藥一服。利下即愈。此僧徹

空傳也

一兒歲餘號哭不已醫藥不効余謂色脈俱好審其仰身則哭甚合身稍止活幼曰若嬰兒色脈俱好而病者必有他故細揣背上微紅腫以手按之大哭用針撥開摘出乃竹刺也痛定卽安

追蟲取積散 治疝積

牽牛

二兩五錢

雷丸

一兩

木香

五錢

蕪荑

五錢

蓬术

五錢

錫灰

五錢

大黃

一兩二錢

史君子

五錢

檳榔

一兩

乾漆

五錢

右爲末每用一錢好酒調下或麪糊丸麻子大天

明猪內湯送下大小加減

烏梅丸 治蛇虫動痛

烏梅三十箇 細辛

桂枝

黃柏

乾薑 黃連 各一錢 當歸

蜀椒

右爲末酒浸烏梅一宿去核蒸之用米飯搗和丸桐子大每用二十九空心白滾湯送下

諸熱

經曰陽勝則外熱陽虛則外寒陰勝則內寒陰虛則內熱陰陽相勝則寒熱往來又曰陽不足則先寒後熱陰不足則先熱後寒陰陽不歸其分則寒熱交爭

也發熱治法宜辨所因有因外感風寒而熱者有感
疫毒之氣而熱者有中暑而熱者有注夏而熱者有
感濕而熱者有驚風而熱者有飲食停滯不化而熱
者有痞積而熱者有五臟之熱有氣虛發熱有血虛
發熱有潮熱有骨蒸熱有表熱有裏熱有痘疹發熱
有諸病後發熱有瘡瘍發熱有變蒸發熱○傷風而
熱者頭疼鼻塞聲重喘嗽痰涎惡風手背熱治宜芎
蘇散表散之○傷寒而熱者初發頭疼目痛身體拘
急耳聾腸痛惡寒發熱治宜麻黃桂枝湯表之○疫
厲而熱者皆由元氣不足感乖疹之氣治宜正氣散

敗毒散十神湯五瘟丹截瘧丹方見十五卷○中暑而熱者長夏濕熱之令人感之則四肢困倦精神短少胸滿氣促乳食不思身熱頭疼自汗煩渴經曰靜而得之爲中暑動而得之爲中熱中暑者用清暑益氣湯中熱者黃連香薷飲十味香薷飲夾食者本方加消導藥暑瀉六和湯益元散○注夏而熱者皆由脾胃不足遇長夏潤溽之令則不能升舉清陽健運中氣又少陽相火之時熱傷元氣則肢體怠惰四肢痿弱嗜卧發熱精神疲倦飲食少思口中無味小便赤澁大便不調名曰注夏皆由稟元氣不足而然也